

## Liiska Imtixaanka Amniga ee ay tahay in la Dhameystiro ee 2022–23

MDE waxay u baahan tahay shaqaale kasta oo ku lug leh dhinac kasta oo imtixaan ah-xitaa haddii ay haystaan furayaasha halka agabka imtixaanka lagu hayo-in ay dib u eegaan macluumaadkan si ay u helaan faham aasaasi ah oo ku saabsan amniga imtixaanka si looga fogaado xadgudubyada amniga ee aan ula kaca ahayn.

Akhri qodob kasta oo ka socdo labadaba *Tababarka Amniga Imtixaanka* iyo *Balan qaadka Amniga Imtixaanka* iyo *Shaacin-La'aanta*. Marka la dhammeeystiro, saxiix oo ku soo celi liiskan ah waxyaabaha ay tahay in la dhameystiro degmadaada ama Iskuduwaha Qiimaynta Dugsiga.

### TABABARKA AMNIGA IMTIXAANKA

#### Waa Maxay Amniga Imtixaanka?

Xaaladaha maalin kasta, amniga imtixaanku waxa uu ku lug leeyahay ficilada aad samayso si aad u hubiso in nuxurka imtixaanka iyo jawaabaha ardayda la ilaaliyo si buundooyinka imtixaanku u noqdaan kuwo ansax ah. Markaaanu ka hadalno "dhibcaha imtixaanada saxda ah" ama "ilaalinta daacadnimada natiijooyinka imtixaanka," tani waxay la macno tahay in natiijadu ay yihiin kuwo sax ah oo macno leh.

#### Maxaa Loo Tixgaliyaa inuu Aamin yahay?

Dhammaan nuxurka imtixaanka, agabka imtixaanka, iyo jawaabaha ardayda ayaa loo tixgaliyaa inay aamin yihiin.

Nuxurka imtixaanka waxa ku jira dhammaan qaybaha shayga imtixaanka, tuducyada akhriska, iyo muuqaalada sayniska. Nuxurka imtixaanka iyo jawaabaha ardaydu waxay ka muuqdaan labadaba imtixaanada onleen-ka ah iyo agabka imtixaanka waraaqaha, sidoo kale waxa laga yaabaa inay ku qoranyihiin agabyada kale ee ardayda, sida warqada xasuusaha lagu qorto iyo tigidhada imtixaanka ee ardayga.

#### Waa maxay sababta Aminga Imtixaanka ay muhiim u tahay?

##### *Bixinta Fursad isku mid ah*

- Ammaanka imtixaanka waa in la ilaaliyaa si loo siiyo fursad isku mid ah dhammaan ardayda si ay u qeexaan waxay barten iyo si loo hubiyo in buundooyinkooda imtixaanku ay sax yihiin.

##### *Xaqiijinta Natiijooyin Sax ah*

- Ardayda, qoysaska, iyo barayaasha waxay u isticmaalaan buundooyinka imtixaanada saxda ah sida hal meel oo xog ah si ay u qiimeeyaan sida wanaagsan ee ardaydu u baranayaan fasaladoda. Shaqaalaha degmada iyo dugsiga waxay u isticmaalaan natiijooyinkan qayb ka mid ah qiimayntooda waxtarka manhajka dugsiga iyo waxbaridda fasalada.

##### *Ilaalinta Maalgashiga*

- Sidoo kale, waxay qaadataa shaqo badan oo ay dad badani qabtaan muddo dheer, ilaa saddex sano ah, si ay u sameeyaan imtixaan heersare ah. Xirfadlayaasha waxbarashada, oo ay ku jiraan macalimiin badan, ayaa ka wada shaqeeya si ay u soo saaraan su'aalaha imtixaanka. Haddi ay jirto xad gudub amni oo lagu soo

bandhigo macluumaadka imtixaanka, waxa laga yaabaa inaan nuxurka imtixaankaas loo isticmaalin markale imtixaan kasta, iyo xaaladaha qaarkood, waxay saamayn kartaa in buundooyinka imtixaanku sax yihiin.

## **Cawaaqibta ka dhalan karta ku xad-gudbka Amniga Imtixaanka**

Haddii imtixaanada gobolka oo dhan aan loo qaadin si sugan, hal arday ama arday badan ayaa laga yaabaa inay saamayso. Haddii xeerarka iyo nidaamyada loo baahan yahay aan la raacin oo uu dhaco xadgudub amni, imtixaanada ardayda ayaa laga yaabaa in la buriyo shaqaaluhuna waxay u baahan karaan tababar dheeraad ah ama tallaabooyin kale oo anshaxeed oo ay go'aan ka gaareyso degmada.

## **Waa maxay sababta Tababarka Amniga Imtixaanka uu muhiim u yahay?**

Xadgudubyada amniga Imtixaanka waxay ka dhici karaan meel kasta, wakhti kasta. Fahamka amniga imtixaanka iyo ogaanshaha waxa uu yahay ku xad-gudbida ammaanku waxay kaa caawin kartaa ka hortagga xad-gudubyada amniga inay dhacaan.

Wacyigelintani waxay ku dhacdaa tababar, oo ay ku jiraan tababarkan liiska ay tahay in la dhameystiro, iyo tabobar kasta oo kale ee looga baahan yahay doorkaada imtixaannada.

## **Balan qaadka Amniga Imtixaanka iyo Shaacin-La'aanta**

Marka lagu daro tababarka, waxa kale oo lagaa rabaa inaad Balan qaadka Amniga Imtixaanka iyo Shaacin-La'aanta sannad kasta.

Waa muhiim inaad fahamto waxa aad aqbalayso adiga oo dhammaystiraya balan qaadkan. Marka xigta, waxaanu dib u eegi doonaa macluumaadka ku jira balan qaadka iyo masuuliyadahaaga ilaalinta amniga imtixaanka. Waxaad buuxin doontaa balan qaadka sanadkan ka dib liiskan ay tahay in la dhameystiro.

## **Raacitaanka Xeerarka Asturnaanta Xogta Waxbarashada**

Iyadoo ku xiran doorkaada, waxaad ku arki kartaa macluumaadka ardayga tigidhada imtixaanka ama natiijooyinka imtixaanka. Dhammaan xogta ardayga waxaa si adag u maamula sharciyada gaarka ah ee federaalka iyo gobolka. Door kasta oo aad ku leedahay imtixaanka, waa in aad raacdo xeerarka degmadaada ee isticmaalka xogta ardayga iyo natiijada imtixaanka si qarsoodi ah oo ammaan ah.

## **Niyad-jabinta Ka-qaybgalka Imtixaanka**

Iyadoo ardayda ama waalidiintu ay go'aansan karaan in ardaydu aysan ka qayb qaadan imtixaanka, ogow in si firfircoon looga niyad-jebiyo ardayda ama waalidiintooda ka qeyb galka imtixaanka ay cawaaqib xun ku yeelan karto dugsiga ama degmada.

## **Raacitaanka Xeerarka iyo Nidaamyada Amniga Imtixaanka**

Waxaa lagaa rabaa inaad raacdo dhammaan xeerarka iyo nidaamyada imtixaannada gobolka, degmada, iyo dugsiga. Intaa waxaa dheer, waa inaad ku qancin ama ku dhiirigelin kuwa kale inay ku xad gudbaan xeerar kasta ama habraacyo ama ay qaaddaan tallaabo kasta oo khatar gelinaysa amniga imtixaanka.

## Ilaalinta Amniga Nuxurka Imtixaanka

### *Xaddidaadda Gelitaanka*

- Hubi inaad galaynin ama eegeyn nuxurka sugan ee imtixaanka, ama agabka imtixaanka ama u ogolaanayn kuwa kale, marka aan looga baahnayn door ah imtixaanid. "Marin u helka" waxay noqon kartaa mid u fudud sida haysashada furayaasha qolalka ama armaajooyinka loo isticmaalo in lagu kaydiyo agab ammaan ah ama marin u helka elektarooniga ah ee macluumaadka imtixaanka.

### *Dabagalka Qalabka*

- Haddii aad gacanta ku qaban doonto wax kasta oo agab imtixaan aamin ah, hubi inaad taqaano qorshaha la socodka agabka iyo meelaha ammaanka ah, meelaha xidhan ee lagu kaydin doono marka aan loo isticmaalaynin imtixaanka.

### *Isu diyaarinta Imtixaanka*

- Ma isticmaali kartid imtixaanka dhabta ah ee ardayga si aad isugu diyaariso imtixaanka. Isticmaal agabka ay bixiso MDE si aad isugu diyaariso tignoolajiyada maamulka imtixaanka.

### *Bixinta Xogta*

- Ma qaadan kartid, koobiyeyn kartid, wadaagi kartid, ama ma qaybin kartid nuxurka imtixaanka qaab kastaba ka hor, inta lagu jiro imtixaanka, ama ka dib imtixaanka. Xataa xaaladaha loo baahan yahay in macluumaadka la gudbiyo (sida inta lagu jiro arrin tignoolajiyad), nuxurka imtixaanka dhabta ah lama qeexi karo ama sawir laguma qaadi karo. Kaliya lambarka shayga iyo macluumaadka ardayga ayay tahay in la bixiyaa.

### *Waligaa ha sii haysan Agabka*

- Imtixaanka ka dib, iska hubi inaad haysan wax agab ah oo ay ka mid yihiin nuxur imtixaan sugan, oo ay ku jiraan xaashida xasuusaha ee ardayga.

### *La Hadalka Ardayda*

- Xataa ka dib marka imtixaanka la dhammeeyo, nuxurka imtixaanka waa inuu ahaado mid sugan. Ardayda looma oggola inay kuu sheegaan ama ka hadlaan nuxurka imtixaanka ka dib marka imtixaanku dhamaado. Ma waydiin kartid ardayda su'aalo imtixaan oo gaar ah ama nuxur kale oo imtixaanku.

### *Lahadalka Shaqaalaha*

- Intaa waxaa dheer, laguuma ogola inaad kala hadasho nuxur sugan ama sheyaasha xubnaha shaqaalaha kale ama shirarka kooxda. Markaad dhammaystirto balan qaadka, waxaad ogolaatay inaad ilaaliso sirta nuxurka imtixaan kasta oo laga yaabo inaad ka warqabto.

## Ilaalinta daacadnimada Natijoooyinka Imtixaanka

Qodobada soo socda ee Balan qaadka ayaa ah kuwa ugu badan ee lagu dabaqi karo shaqaalaha ku lug leh maamulka imtixaanka.

### *Waligoog aan Bixineynin Faa'iido Cadaalad Daro ah*

- Iyadoon ku xidhneyn doorkaaga aad ku leedahay maamulka imtixaanka, waa inaad hubisaa in ardayda la siiyay fursad ay si madaxbanaan ugu qeexaan waxay yaqaaniin. Haddii aad ku jirto qolka iyadoo ardaydu ay imtixaan ku jiraan, hubi inaad fahantay waxa loo ogol yahay marka la eego bixinta kaalmada ama ka jawaabista su'aalaha si imtixaanada ardaygu aanu ugu baahanin in la buriyo.

### *Had iyo jeer Isticmaalida Natiijooyinka Rasmiga ah*

- Dib u eegista iyo dhibca siinta jawaabaha ardayga ee adi nafsadaada lama ogola, ilaa shayaal uu naqshadeeyo oo loogu talagalay in uu buundo siiyo maamulaha imtixaanku isagoo isticmaalaya ciwaan ama qoraal. Imtixaanka ka dib, macluumaadka ku saabsan waxqabadka ardaygu waxa ay ka heli karaan degmooyinka iyo dugsiyada iyada oo loo marayo warbixinnada ay bixiso adeeg bixiyaha ama MDE imtixaanka ka dib.

### *Waligaa Ha Beddelin Jawaabaha Ardayga*

- Beddelka jawaabaha ardaydu waa ku xad gudub amniga ah waxayna keeni doontaa burinta imtixaanka ardayga iyo tallaabada edbinta ee suurtoogalka ah.

## **Soo Gudbinta Maamul Xumada ama Jebinta Amniga**

Isku duwaha Qiimaynta Degmadaada ayaa ku ogaysiin doona sida aad uga warbixineyso arin kasta oo soo ifbaxda inta lagu jiro imtixaanka. Haddii aad aragto ama aad ogaato falalka ardayga ama shaqaalaha ee ku xad-gudbi kara amniga imtixaanka, waa mas'uuliyaddaada inaad la hadasho Iskuduwaha Qiimaynta Dugsiga ama degmadaada ama maamule kale. Xitaa haddii xadgudubka amniga uu u muuqdo mid aan ku talagal ahayn, waxaa muhiim ah in xaaladda la soo sheego si habraacyada iyo xeerarka loo caddeeyo loona cusbooneysiyo si qof kastaa u fahmo sida loo ilaaliyo amniga imtixaanka.

Iyadoo aan kugula talineyno inaad ka shaqeyso gudaha degmadaada si aad uga warbixiso arin kasta oo suurtagal ah, waxaa jiri kara xaalado aad u baahan tahay inaad si toos ah wax ugu sheegto MDE. Mareegta MDE waxaa ku jiro khad tallo ah oo welwelka amniga imtixaanka lagu soo sheegi karo si qarsoodi ah.

## **La shaqaynta MDE**

Ugu dambeyntii, MDE waxay mas'uul ka tahay inay kormeerto dhammaan imtixaannada gobolka oo dhan. Iyada oo qayb ka ah doorkaaga imtixaanka, waxaa laga yaabaa inaad ka qayb qaadata kormeerka goobta ama baadhitaan ah, ama waxaa laga yaabaa in lagu weydiiyo inaad bixiso macluumaad la xiriira xadgudub amni, waxaadna ogolaatay inaad la shaqeyso markaad saxiixday balanqaadka. Haddii MDE ay ku sameeyaan booqasho goobtaada dugsiga, waxaad raaci doontaa nidaamkaaga caadiga ah ee imtixaanka.

## **Soo kobitaanka**

La xidhiidh Degmadaada ama Iskuduwaha Qiimaynta Dugsigaaga haddii aad wax su'aalo ah ka qabto imtixaanada gobolka oo dhan.

## BALAN QAADKA AMNIGA IMTIXAANKA IYO SHAACIN-LA'AANTA

### Ka bilaabato sannad dugsiyeedka 2022-23

Waaxda Waxbarashada ee Minnesota (MDE) ayay sharciga gobolka uga baahanyahay in ay fuliso barnaamijyada qiimaynta gobolka oo dhan. Ammaanka imtixaanka waa in la ilaaliyaa si loo siiyo fursad siman dhammaan ardayda si ay u muujiyaan guulahooda tacliimeed, iyo si loo hubiyo saxnaanta buundooyinka imtixaanka iyo daacadnimada qiimeynta gobolka. Ku guuldaraysiga ilaalinta amniga imtixaanku waxay khatar gelinaysaa shuruudaha isla xisaabtanka degmada iyo gobolka iyo saxnaanta xogta ardayga, dugsiya, degmada, iyo gobolka. Dhibcaha imtixaanka waxa lagu daraa go'aamada muhiimka ah ee ku saabsan guusha mustaqbalka ee ardayda; waa lama huraan inay si sax ah uga tarjumaan waxay ardaydu garanayaan oo ay awoodaan inay sameeyaan. Balan qaadkan, oo qayb ka ah Tababarka Amniga Imtixaanka, waa in la dhammeeyaa ka hor inta aan lagu lug yeelan wax kasta oo maamulka imtixaanka ah.

Dhammaan nuxurka ku jira imtixaanka, agabka imtixaanka ee sugan, iyo jawaabaha ardayga, hadday yihiin qaab qabyo ah ama qaab kama dambays ah, ayaa loo tixgaliyaa xog sugan oo aan mid guud ahayn. Kaliya shaqaalaha degmada ama dugsiya ee idman ayaa loo ogolyahay inay marin u helaan agabyada imtixaanka ee sugan noocayada gelitaankana wuxuu ku kala duwan yahay door ahaan. Shaqaalaha/shakhsiyaadka degmo ama dugsi ee la oggolaaday:

- Waa maamulayaasha degmada iyo dugsiyada, macalimiinta, shaqaalaha dhismaha, ama dadka kale ee ay degmadu u magacawday kuwaas oo door ku leh kaydinta, qaybinta, isku dubaridka, ama maamulida imtixaanada iyo/ama haya furayaasha meelaha lagu kaydiyo agabyada imtixaanka.
- Dhameystireen tababar ku habboon sannad kasta si ay u gutaan doorkooda loo xilsaaray.

Mas'uuliyadaha degmada iyo shaqaalaha/shakhsiyaadka dugsiya la oggolaaday ee laga yaabo inay la falgalaan nuxurka sugan ee imtixaanka, jawaabaha ardayda, iyo xogta waxay ku qeexan yihiin Buugga Habraacyada ee Qiimaynta Gobolka Minnesota (hada loogu yeedho Buugga Habraacyada). Markaad dhammaystirto balan qaadkan, waxaad ogolaatay kuwa soo socda:

- Sida loogu baahan yahay doorkayga aan ku leeyahay maamulka barnaamijka qiimaynta gobolka oo dhan, waxaan mas'uul ka ahay fahamka macluumaadka laxiriira ee ku jira Buugga Habraacyada ee sanadkan iyo hagitaanka maamulka imtixaanka. Waxaan u hoggaansami doonaa xeerarka iyo habraacyada lagu faahfaahiyay agabyada maamulka imtixaanka gobolka oo dhan.
- Sida loogu baahan yahay doorkayga, waxaan ahay ama la igu tababari doonaa xeerarka maamulka iyo habraacyada qiimaynta gobolka oo dhan ka hor intaan ka qaybgalin qayb kasta oo ka mid ah maamulida qiimaynta gobolka oo dhan.
- Sida loogu baahan yahay doorkayga, waxaan fari doonaa shaqaalaha habraacyada gobolka iyo degmada ee ilaalinta amniga imtixaanka mana u oggolaan doono dadka aan haysanin oggolaansho inay qaybiyaan, isku dubaridaan ama maamulaan imtixaanada, ama ay helaan nuxurka iyo agabyada sugan ee imtixaanka.
- Sida loogu baahan yahay doorkayga, waxaan raaci doonaa nidaamka Buuga Habraaca si aan u baadho oo aan u ogeysiyo dugsiya iyo shaqaalaha degmada ama Waaxda Waxbarashada ee Minnesota isla markaaba marka aan ogaado anshax-xumo ama khaladaad iman kara, hadii ay tahay ula kac ama aysan ahayn ula kac.
- Waxaan fahamsanahay in MDE ay mas'uul ka tahay inay kormeerto maamulka qiimeynta gobolka oo dhan. Waxaan si buuxda ula shaqayn doonaa wakiilada MDE, iyo saraakiisha dugsiya marka loo baahdo, dhammaan dhinacyada u hoggaansanaanta amniga imtixaanka oo ay ku jiraan, laakiin aan ku xaddidnayn, kormeerka booqashooyinka, xisaab-xidhka miiska, iyo baadhitaannada.
- Waxaan fahamsanahay in xogta imtixaanka iyo dukumeentiyada ay ku jiraan macluumaadka heer arday loo tixgeliyo inaysan mid guud ahayn oo ammaan ah, inta lagu jiro xilliga imtixaanada oo dhan iyo ka dib

natiijooyinka imtixaanka hordhaca ah iyo kan ugu dambeeyaba. Marka aan ka shaqaynayo macluumaadka aqoonsiga-ardayga iyo imtixaanada ardayga iyo natiijooyinka, labadaba inta lagu jiro iyo ka dib maamulka imtixaanka, waxaan raaci doonaa dhammaan sharciyada asturnaanta xogtaa ee federaalka iyo gobolka ee khuseeya xogta waxbarashada ardayga. Tan waxa ku jira xogta ku jirta warbixinnada iyo xogta laga heli karo hababka elegtarooniga ah ee ay bixiso MDE ama adeeg bixiyaha(yaasha).

- Waxaan qirayaa in si firfircoon kor loogu qaado niyad-jabka ardayga(da) iyo/ama waalidka(iinta)/masuulka(yiinta) ka qaybgalka imtixaanka ay u keeni karto cawaaqib xumo dugsigayga ama degmadayda.
- Waxaan fahamsanahay mas'uuliyaddayda ah in aan dhaqan geliyo habraacyada saxda ah ee imtixaanada iyo inaan xaqiijiyo amniga iyo daacadnimada imtixaanka(nada). Waxaan dhaqan gelin doonaa oo aan raaci doonaa habraacyada loo qaabeeyey si loogu ilaaliyo nuxurka imtixaanka iyo si loo xaqiijiyo ansaxnimada natiijooyinka imtixaanka. Tan waxaa ku jira, laakiin aysan ku koobneyn:
  - Aqoonsiga xuquuqda ardayda iyo qoysaska si ay u helaan natiijooyin sax ah oo ka tarjumaya shakhsiyada ardayda, guulaha aan la caawin.
  - Ilaalinta sirta qiimaynaha gobolka oo dhan iyo hubinta ansaxnimada natiijooyinka ardayda iyada oo la ilaalinayo nuxurka imtixaanka, ilaalinta agabyada imtixaanka, iyo u hogaansanaanta silsilada shuruudaha haynta caruurta.
  - Aanan sii haysaneynin agabyada imtixaanka ee sugan wax dhaafsiisan wakhtiyada la ogolyahay in laga shaqeeyo, la qaybiyo, la isku duba rido, la maamulo, oo la soo celiyo, sida ku haboon doorkayga.
  - Hubinta in aan qayb ka mid ah warqada ama imtixaanada onleen-ka ah aan lagu soo bandhigin, la soo koobin, la qorin, laga sheekeysan, la sii daynin, loo qaybinin shaqaale aan loo ogolayn, la daabacin, la koobiyeeynin, la sawirin, la duubin, ama lagu haynin qaab asal ah ama nuqul ah, iyada oo aan ogolaansho cad laga helin MDE ama sida lagu oggolaaday Buugga Habraaca.
  - Aan waligey u ogolaanin ama ka qeyb qaadan isticmaalka aan la ogolayn ee macluumaadka ardayga si loo galo nidaamka imtixaanada onleen-ka ah ama marin u helka imtixaan onleen ah.
  - Weligaa haka qeyb qaadanin, ama ha u oggolaanin dadka kale inay ka qayb qaataan, daawasho aan la ogolaanin, dood, ama falanqaynta nuxurka imtixaanka ka hor, inta lagu jiro, ama ka dib imtixaanka.
  - Si firfircoon ula socoshada habdhaqanka la mamnuucay ee ardayda inta lagu jiro maamulida imtixaanka.
  - Waligaa haka tagin ardayda iyada oo aan la ilaalinaynin inta lagu jiro maamulka imtixaanka ama ha uga tagin kormeerayaal shaqaale ah oo aan tababar lahayn ama mutadawiciin ah.
  - Waligaa haku yeelan saameynin natiijada imtixaanka adiga oo siinaya ardayda jawaabaha nuxurka imtixaanada sugan, u soo jeedinaya sida looga jawaabo sheyada imtixaanada sugan, ama saameyn ku yeelashada jawaabaha ardayga ee sheyaasha imtixaanka sugan. Ficilada la mamnuucay waxaa ka mid ah, laakiin aan ku xaddidnayn: bixinta tilmaamo ama talooyin; bixinta xasuusinta ee nuxurka ama xeeladaha imtixaanka; ku dhiirigelinta ardayda inay saxaan ama hubiyaan/dib u eegaan jawaabo gaar ah; Ogolaanshaha helitaanka agabka manhajka (tusaale, buugaagta akhriska, qoraallada, agabyada dib u eegista, boodhadhka wararka, boodhadhka, jaantusyada, khariiradaha, waqtiyada kama dambeysta ah, iwm.); ama adeegsiga is-beddelka codka, dhaqdhaqaaqyada wejiga, tilmaanta, tilmaanta, dhaqdhaqaaqa taabashada, ama ficillada kale si loo muujiyo jawaabta ama saxnaanta jawaabta ardayga.
  - Waligaa si rasmi ah ama si aan rasmi ahayn ha u siin dhibco imtixaan sugan ama shayada imtixaan gaarka ah marka laga reebo sida uu rabo tilmaamaha buugaag gaarka ah ee imtixaanka. Ficilada la mamnuucay waxaa ka mid ah laakiin aan ku xaddidnayn: sameynta liiska jawaabaha; dib u eegista ama dhibco siinta jawaabta shayga ardayga ama jawaabaha ilaa shayada loogu talagalay in uu buundo u qoro maamulaha imtixaanku isagoo isticmaalaya tilmaamo ama qoraal; haynta, dib u eegista, ama dhibca siinta waraaqda

xasuusta ee ardayga ama agabyada warqada imtixaanka; ama la socodka waxqabadka ardayga ee shayada imtixaanka.

- Weligaa ha beddelin ama haka qeyb qaadan ku lug lahaanshaha kale ee mamnuuca ah ee jawaabaha ardayga.
- Weligaa haku shukaamin ama ku dhiirigelin kuwa kale inay ku xad-gudbaan habraacyada kor lagu soo sheegay ama inay ka qeyb qaataan dhaqan kasta oo khatar gelinaya amniga imtixaanka ama ansaxnimada buundooyinka imtixaanka.

Markaad aqbasho shuruudaha Tababarka Amniga Imtixaanka iyo balan qaadka, waxaad isu magacaabaysaa shaqaale degmada ah ama qof idman oo ay degmadu dooratay. Waxa kale oo aad caddaynaysaa in ay degmadu kuu oggolaatay wakhtiga sannad dugsiyeedkan waxbarasho ee hadda si aad u hesho agab imtixaan oo sugan ama xogta ardayga ee la xidhiidha imtixaannada gobolka oo dhan, oo ay ku jiraan aqoonsiga ardayga iyo imtixaannada iyo natiijooyinka ardayga, oo aadna oggolaatay inay ku qabtaan shuruudaha balan qaadka. Cawaaqibta ka dhalan karta u hoggaansanaan la'aanta shuruudahan waxaa ka mid ah, laakiin aan ku xaddidnayn, shuruudaha tababarka dheeraadka ah, burinta imtixaannada ardayda, iyo ficillada ay go'aaminayaan degmada dugsiga ama qaybaha kale ee dadweynaha ee leh awoodda iyo kormeerka.

---

Taariikhda

---

Saxiixa

---

Magaca (oo la daabacay)

---

Degmada/Dugsiga